



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Prima Duo Sæcula Complectens

Fleury, Claude

August. Vind. [u.a.], 1758

VD18 13322648

§. 1. Scopus libri primi.

[urn:nbn:de:hbz:466:1-66002](https://nbn-resolving.org/urn:nbn:de:hbz:466:1-66002)



HISTORIA ECCLESIASTICA LIBER I.

S. PETRUS, CHRISTI VICARIUS.
TIBERIUS IMPERATOR.

§. I.

Scopus Libri I.

Historiæ meæ Lectorem sufficien-
ter edoctum esse oportet de JE-
su Christi Mysteriis, nempe de
ejusdem generatione æterna, nativitate
prodigiosa in tempore, de ejus vita, mi-
raculis, doctrina, passione, morte, resur-
rectione, & gloriosa ascensione. Qui
Hist. Eccles. Tom. I. **A** cunque

Sæculum I.
A. C. 34.

Sæculum I.
A. C. 34.

S. Petrus
Christi Vi-
carius.

cunque laborem hanc Historiam legendi in se suscipiet, haud dubie sacra Evangelia sæpius devote legerit. Omissa ergo illa sacra Historia ab actis Apostolorum exordior, quæ non simpliciter exscribo, sed substantiam extraho, ut inde nanciscar occasionem facta aliunde nota adjungendi, sive ex ipsorum Apostolorum epistolis, aut ex certa traditione nota sint. Narratio exacta ibi incipiet, ubi sacra Scriptura post adventum S. Pauli in urbem, in libro secundo, desinit. Annum non pono, nisi quem certum puto, nec secundum Chronologiam accuratam, sed computationem consuetam, qua annum ab Incarnatione millesimum sexcentesium nonagesimum numeramus.

§. II.

Electio S. Matthiæ.

Act. 1. 12. Post Jesu Christi ascensionem Apostoli Jerosolymam reversi sunt, gaudio repleti, ascenderuntque in Cœnaculum, ubi post passionem congregati fuerant. Ibi in oratione perseverabant cum Jesu Christi Discipulis, SS. Mulieribus, quæ eum fuerant secutæ, sancta Virgine Maria, Matre ejus, & cognatis. S. Petrus proposuit eligere alium Apostolum, qui Judæ proditori subrogaretur; duo præsentabantur, Josephus Barsabas, dictus Justus, &